




АКАФИСТ
Пресвятой Богородице
в честь иконы Ея
“Всецарица”



АКАФИСТ
Пресвятой Богородице
в честь иконы Ея
“Всецарица”



**АКАФИСТ
ПРЕСВЯТОЙ БОГОРОДИЦЕ
В ЧЕСТЬ ИКОНЫ ЕЯ «ВСЕЦАРИЦА»**

Кондак 1

Новоявлѣнной Твоей иконѣ предстоящи
вѣрнии умѣльно воспеваемъ Тѣ, Всецарице,
рабѣ Твоѣ: низпосли цельбы къ Тебѣ притека́-
ющимъ нынѣ рабѣмъ Твоѣмъ, да вси радостно
зовѣмъ Тѣ:

Радуйся, Всецарице, неду́ги на́ша благо-
да́тию исцеля́ющая.

Икос 1

Ангелъ предста́тель, с небесе́ сше́д, рече́
Всецарице: радуйся! И боговещáннымъ гла́-
сомъ, воплоща́ема Тя зря́, Го́споди, возопи́ к
Не́й такова́я:

Радуйся, главѣ́зно на́шего спасѣ́ния;
радуйся, исполне́ние Зиждѣ́телева смот-
ре́ния.



Ра́дуйся, я́ко Тобо́ю Бо́г воплоті́ся;
ра́дуйся, я́ко Неві́димый в Тебе́ изоб-
разі́ся.

Ра́дуйся, Ми́лость мі́ра вну́тръ при́яв-
шая; ра́дуйся, оде́яние плóти Сло́ву сот-
ка́вшая.

Ра́дуйся, умú непості́жная го́рняя сла́во;
ра́дуйся, серде́а оживі́вшая небе́сная
ма́нно.

Ра́дуйся, звездо́, благода́ти сия́ние; ра́дуй-
ся, исто́чнице, живы́я воды́ излі́яние.

Ра́дуйся, Богоро́дице, в жена́х благосло-
ве́нная; ра́дуйся, ро́ждшая Спа́са Де́во
нетле́нная.

Ра́дуйся, Всецари́це, недúги на́ша благо-
да́тию исцеля́ющая.

Кондак 2

Безнача́льное Сло́во Отроча́ мла́до
Тобо́ю бы́сть, исцелéния пода́я Тя, Де́во,
чту́щим и́ неизрече́нное Его́ рождество́
воспева́ющим: Аллилу́иа.



Икос 2

Ра́зум недоразумева́емый разуме́ти
Де́ва и́щущи, возопі к служа́щему: я́ко
Отрокови́ца чи́стая, ка́ко бу́ду Вы́шняго
Ма́терь, изъясни́; к Не́йже Гаври́ил рече́ со
стра́хом, зовы́й такова́я:

Ра́дуйся, сове́та Вы́шняго избра́ннице;
ра́дуйся, гла́са моля́щихся скоропос-
лу́шнице.

Ра́дуйся, сокро́вище Христо́ва ми́ра;
ра́дуйся, люде́й Твои́х наде́ждо и си́ло.

Ра́дуйся, ра́ковыя я́звы дивная губи́-
тельнице; ра́дуйся, про́чих болéзней
исцели́тельнице.

Ра́дуйся, еди́ное ми́ру заступле́ние;
ра́дуйся, ве́рное в скорбе́х избавле́ние.

Ра́дуйся, пла́ч и слéзы при́сно утоля́-
ющая; ра́дуйся, спасéния вхо́ды все́м
отверза́ющая.

Ра́дуйся, ски́птре и держа́во Афóн насе-
ляющих; ра́дуйся, же́зле мона́хов и
миря́н.

Ра́дуйся, Всецари́це, недúги на́ша благо-
да́тию исцеля́ющая.



Кондак 3

Сѣла Вы́шняго, осeníвши Тя, Отроко-
ви́це, плóть при́ят неизречénно, показá Тя
селó слáдкое всѣм хотя́щим жáти спасéние
и́ пою́щим: Аллилу́иа.

Икос 3

Прослáвился дѣ́вно святáя ико́на Твоя́,
Всецари́ца имену́емая, егда́ цельбоно́сно
явѣ́ся Богомáтере изображéние; вопи́ющим
же прѣ́д не́ю с вѣ́рою исцелéния подаéши, да
умно́жаются пѣ́сни сицевы́я:

Рáдуйся, Мáти незаходѣ́мага Свѣ́та;
рáдуйся, претѣ́рпевших до́ конца побѣ́до.
Рáдуйся, в болѣ́знях и́ скóрбех сýщим
врачевáние; рáдуйся, сирóт и́ вдови́ц
нерушѣ́мая стéно.

Рáдуйся, двѣ́ри ра́йския отверза́ющая;
рáдуйся, тружда́ющихся и́ обременѣ́нных
заступáющая.

Рáдуйся, о́ спасéнии вѣ́рных ходáтаице;
рáдуйся, за́ рóд челове́ческий моли́т-
веннице.



Ра́дуйся, ле́стнице небесная, возводящая
о́т земли к небеси́; ра́дуйся, водо́ жива́я,
омыва́ющая сме́ртныя грехи́.

Ра́дуйся, а́гнице, сердца́ незло́бивых
храня́щая; ра́дуйся, покрóве, ча́д Це́ркве
осеня́ющий.

Ра́дуйся, Всецари́це, неду́ги на́ша благо-
да́тию исцеля́ющая.

Кондак 4

Живо́т ми́рови да́руя, Влады́ка ми́ра
всели́ся во утробу́ Твою́ неискусому́жно
и, Ма́терь ве́рных Тя́ показав, в ми́ре те́х
воспева́ти призва́: Аллилу́иа.

Икос 4

Пресла́вная содея́шася о́ Тебе́, Гра́де
Бо́жий, исцелéнием, быва́ющим о́т святы́я
ико́ны Твоея́; цельбоно́сныя струи́ вра-
чевáний приéмлюще, благодарственнó, о́
Всецари́це, вопиéм:

Ра́дуйся, сна́добие, бо́ль утoля́ющее;
ра́дуйся, прохлáдо, жа́р неду́жных ос-
тужа́ющая.



Рáдуйся, прижига́ющая ра́ковыя я́звы,
а́ки пла́менем; рáдуйся, подыма́ющая со
одрá оста́вленных врачми́.

Рáдуйся, ли́к Сво́й пречи́стый избра́нным
явля́ющая; рáдуйся, о́т грехо́вных у́з
разреша́ющая.

Рáдуйся, я́ко Тобо́ю избавле́ние о́т
сме́рти дарова́ся; рáдуйся, я́ко Тобо́ю
безсче́тный со́нм ве́рных оправда́ся.

Рáдуйся, Высото́, челове́ческими по́-
мыслы неизсле́дованная; рáдуйся, глуби-
но́, еди́ным Сло́вом извѣданная.

Рáдуйся, проро́чество прѣ́жде Тебе́
бы́вших патриа́рхов; рáдуйся, наста́в-
нице Тебе́ моли́вшихся иера́рхов.

Рáдуйся, Всецари́це, недúги на́ша благо-
да́тию исцеля́ющая.

Кондак 5

Пречи́стый хра́м Спа́сов позна́хом Тя,
Отрокови́це; к Тебе́ припада́ем, Чи́стая, да
на́с соде́лаеши хра́мы Божества́, вопи́ющих
Ему́: Аллилу́иа.



Икос 5

Видеша чїни а́нгельстии на́ руку Тво́ю
Сзда́вшего руко́ю челове́ки, и́ яко Вла-
ды́чицу разумева́юще Тя́ еди́ну, а́ще и́ рабо́ю
Себе́ нарекла́ еси́, потща́шася пѣ́сньми пос-
лужі́ти Ти́, благослове́нней, сицевы́ми:

Ра́дуйся, Бо́гом поста́вленная превы́ше
Небе́сных Си́л; ра́дуйся, чуде́сными ис-
целѣ́ньми исполня́ющая мі́р.

Ра́дуйся, хвалу́ и́ сла́ву о́т небес слы́-
шашая; ра́дуйся, благодарѣ́ние о́т земли́
приѣ́млющая.

Ра́дуйся, яко́ се́мя тли́ в сердца́х пот-
ребі́ла еси́; ра́дуйся, яко́ ко́зней диа́-
вольских я́рем сокруши́ла еси́.

Ра́дуйся, юдо́ль плачевну́ю испо́лнив-
шая ра́достию; ра́дуйся, ско́рби изме-
ня́ющая в небе́сную сла́дость.

Ра́дуйся, благоуха́ние, Бо́гу приятно́е;
ра́дуйся, ка́ющихся грѣ́шников весе́лие
изрядное.

Ра́дуйся, бронѣ́ пра́вды о́т искуше́ний;
ра́дуйся, щите́ огражде́ния о́т вражды́ и
нестро́ений.



Ра́дуйся, Всецари́це, недúги на́ша благо-
да́тию исцеля́ющая.

Кондак 6

Пропове́дницы богоглаго́ливии, Спа́-
совы ученицы́, предста́ша Тí, Дéво, чúдно,
внегда́ о́т земли́ к небеси́ восходи́ла еси́, да
еди́ным сёрдцем ѝ усты́ воспою́т Бóгови:
Аллилу́иа.

Икос 6

Воссия́ дíвная благода́ть о́т ико́ны
Твоея́, Всецари́це, егда́ юноша, учёными
сатани́нскими омрачённый, прéд нею́ паде́
ѝ недви́жим бы́сть; па́че ча́яния же́ о́т úз
мра́чных свободённый, со́ стра́хом ѝ ра́-
достью́ взыва́ше Тí сйце:

Ра́дуйся, исправле́ние нечестíваго жити́я;
ра́дуйся, утешéние стра́ждущих лю́те.

Ра́дуйся, бесóвских по́лчищ о́т Цéркве
отгна́ние; ра́дуйся, мглы́ грехóвныя раз-
се́яние.



Ра́дуйся, ко́зней неvíдимых упразднё́ние;
ра́дуйся, де́монских ча́р всемо́щное одо-
ле́ние.

Ра́дуйся, свети́льниче, прельще́нных на-
ставля́я; ра́дуйся, о́блаче, неvíнных о́т
зла́ покрыва́я.

Ра́дуйся, хо́лме, небе́сною ма́нною пи-
та́ющий; ра́дуйся, доли́но, смире́нием
Христо́вым насыща́ющая.

Ра́дуйся, ка́меню Небе́снаго Ца́рствия;
ра́дуйся, зерца́ло преве́чнаго Све́та.

Ра́дуйся, Всецари́це, недúги на́ша благо-
да́тию исцеля́ющая.

Кондак 7

Хотя́щу да́ти Себе́ в сне́дь ве́рным,
благово́лил еси́ о́т Де́вы воплоти́тися, да́,
прие́млюще Пречи́стое Те́ло и Кро́вь Твою́,
позна́ют Тя́, Бо́га соверше́ннаго; те́мже,
дивя́щаяся неизрече́нной премúдрости се́й,
зове́м: Аллилу́иа.



Икос 7

Но́вое показá та́инство я́влься Жиждитель, со́ ученики́ сверши́вый Та́иную Свою́ Вéчерю; мы́ же, моля́ще Всецари́цу удостóити нас божéственныя святы́ни, восписúем Ей сицевáя:

Рáдуйся, подáтельнице небéснаго хлéба; рáдуйся, Родительнице вéчнаго Животá. Рáдуйся, чáше, Христú приобщáющая; рáдуйся, дúшу и тéло с Бóгом сочетава́ющая.

Рáдуйся, лжи́це златáя, испóлнь Божéственных Та́ин; рáдуйся, драгíй киво́те, вместíлище вели́кия святы́ни.

Рáдуйся, пёрсте, на́ святу́ю Евхаристи́ю указúяй; рáдуйся, трапéзо, предлага́ющая нам пи́щу святу́ю.

Рáдуйся, достóйных причáстников одесну́ю поставля́ющая; рáдуйся, ревни́телей Божéственныя литургíи óт áда избавля́ющая.

Рáдуйся, приводя́щая смёртных к Исто́чнику безсмёртия; рáдуйся, огражда́ющая ча́д Свои́х мíром и крéпостию.



Ра́дуйся, Всеца́рице, недúги на́ша благо-
да́тию исцеля́ющая.

Кондак 8

Стра́нное Рожде́ство видéвше, житéй-
ское вся́кое отло́жше попече́ние, горе́ имéим
сердца́; на́ сиé бо́ Вы́шний яви́ся во́ е́же при-
влещи́ Тому́ вопи́ющия: Аллилу́иа.

Икос 8

Неотсту́пно в не́драх Оте́ческих пребы-
ва́я, Сло́во неопи́санное на́ земли́ плóть
бы́сть; Бо́г ве́лий сотвори́ вели́чие Дéве и́
призрэ́ на́ смире́ние рабы́ Своея́, слы́шащия
сицевáя:

Ра́дуйся, невмести́мага Бо́га вместив-
шая; ра́дуйся, надми́рнаго Творца́ ми́ру
явившая.

Ра́дуйся, я́ко сокру́шися сме́рти держа́-
ва; ра́дуйся, я́ко исцели́ся Ада́мова ра́на.

Ра́дуйся, пла́стырю, стру́пы душе́вныя
заживля́яй; ра́дуйся, елее́, я́звы телес-
ныя умаща́яй.



Ра́дуйся, утоле́ние боле́зней ражда́-
ющих; ра́дуйся, обле́гчение му́к уми-
ра́ющих.

Ра́дуйся, нане́сшая пора́жение а́ду;
ра́дуйся, притупи́вшая сме́рти жа́ло.

Ра́дуйся, ча́яние всео́бщаго воскресе́-
ния; ра́дуйся, правосла́вных несумне́н-
ное спасе́ние.

Ра́дуйся, Всеца́рице, недúги на́ша благо-
да́тию исцеля́ющая.

Кондак 9

Вся́кое естество́ а́нгельское и́ чело-
вече́ское удиви́ся вели́чию непостижи́мага
Твоего́ воплоще́ния, Сло́ве; недоумева́юще
же о́ сей ве́лией та́йне благоче́стия, со
стра́хом и́ трéпетом благода́рственно зове́м
Ти́: Аллилу́иа.

Икос 9

Многора́зличными недúги одержи́мии,
о́ Всеца́рице, о́т святы́я ико́ны Твоея́ па́че
ча́яния исцелё́ния получа́ют, да́ прии́мше



вѣрою благодать, велегласно взываютъ Тѣ:

**Радуйся, здравыхъ чадъ прѣсное сохранѣ-
ние; радуйся, болящихъ ко здравію
преложѣние.**

**Радуйся, детѣй недугующихъ исцелѣние;
радуйся, юныхъ страдальцевъ Мати.**

**Радуйся, востаніе на о́др болѣзни по-
вѣрженныхъ; радуйся, отрадо страхомъ
смѣртнымъ одержимыхъ.**

**Радуйся, яко внемлеши человековъ ры-
даніямъ; радуйся, призревающая на наша
стенанія.**

**Радуйся, бóлей земныхъ небесною ра-
достью растворѣние; радуйся, люте обу-
реваемыхъ пачеестественное терпѣние.**

**Радуйся, яко уготовляеши плачущимъ
радость; радуйся, яко снабдеваеши крót-
кихъ крилома моли́твы.**

**Радуйся, Всецари́це, недуги наша благо-
датию исцеляющая.**



Кондак 10

Спасти́ хотя́ Зиждитель истлѣвшее грехомъ челове́ческое естество́, снѣде на́ Тя, яко до́ждь на́ руно́, и́, купину́ Тя соде́лав неопали́мую, Бо́г съи́й бы́сть челове́к, да́ воспева́ем Ему́: Аллилу́иа.

Икос 10

Стена́ еси́ де́вам, Открови́ще чи́стая, и́ всѣмъ о́ чистотѣ радя́щим; в Тя́ бо́ всели́ся Бо́г, очища́яй разу́мныя создáния Своя́, да́ избы́вше вся́кия сквѣ́рны, возглаша́ем Ти́ сицевáя:

Ра́дуйся, молча́ния взыску́ющих собесѣ́днице; ра́дуйся, вѣ́нче храня́щих де́вство.

Ра́дуйся, нача́ло и́ конѣ́ц духо́внаго соверше́ния; ра́дуйся, храни́лище Божественнаго откровѣ́ния.

Ра́дуйся, Тро́ического совѣ́та тайннице; ра́дуйся, спасѣ́ния челове́ков вино́внице.

Ра́дуйся, верши́но, го́рдым ума́м непристу́пная; ра́дуйся, убе́жище, смире́нным сердца́м досту́пное.



Рáдуйся, Чíстая, небесé чистéйшая;
рáдуйся, Херувíмов и Серафíмов чест-
нéйшая.

Рáдуйся, обра́дованная, я́ко прия́ла
еси́ о́т Арха́нгела ра́дование; рáдуйся,
утéшенная, я́ко ру́це Твои́ осяза́сте
воскрéсшаго Христа́.

Рáдуйся, Всецари́це, недúги на́ша благо-
да́тию исцеля́ющая.

Кондак 11

Пéние тща́щеся разу́мное Спа́су прино-
си́ти, всегда́ неключи́ми, Влады́чице, остаём-
ся раби́ Твои́; кто́ бо́ мо́жет досто́йно воспéти
Бо́га, Егóже и́мя я́ко ми́ро излия́нное; сего́
ра́ди вопи́ем Ему́: Аллилу́иа.

Икос 11

Свёт ве́лий возсия́в во́ тьме́ сидя́щим,
посети́ нас, о́ Дéво, Востóк свы́ше, Сы́н и
Бо́г Тво́й; Тя́ соде́лав свеще́ю на́ свещнице,
светоно́сным ча́дом церко́вным наказу́ет
приноси́те Ти́ сицевáя:



Ра́дуйся, заре́ у́мнаго Со́лнца; ра́дуйся,
вмести́лище божество́ннаго Огня́.

Ра́дуйся, све́те, я́ко одея́ние святы́х
сотка́ла еси́; ра́дуйся, свеще́, я́ко тьму́
бесо́вскую отгна́ла еси́.

Ра́дуйся, ко́сных умо́в просвеще́ние;
ра́дуйся, грёшных серде́ц озаре́ние.

Ра́дуйся, десни́це, из мо́ря суётствий
изводя́щая; ра́дуйся, луче́, путеводя́й к
Ца́рствию спаса́ющих.

Ра́дуйся, мо́лние, нераска́янных поража́-
ющая; ра́дуйся, гро́ме, губи́телей устра-
ша́ющий.

Ра́дуйся, лука́выя со́вести просветле́ние;
ра́дуйся, умило́стивле́ние Бо́жия суда́.

Ра́дуйся, Всецари́це, недуги́ на́ша благо-
да́тию исцеля́ющая.

Кондак 12

Благода́ть да́ти восхоте́в, За́вета Ве́тхаго
Подате́ль За́вет Но́вый на́м дарова́; мы́ же
благада́ть при́имше, не́ де́лы зако́на, но́
еди́ною ве́рою спасе́ние улучи́вше, воспису́ем
вси́: Аллилу́иа.



Икос 12

Поюще Твое рождество, якоже дрѣвле
Израиль в кимвалех сенѡвную скинию вос-
пѣваше, тако мы ныне Тя, скинию истинну,
добродѣтелями прославляем, да слышиши ѡт
всѣх сицевая:

Радуйся, пѣсне, воспеваемая горѣ; радуй-
ся, псалмѣ, слышимый низу.

Радуйся, единому Богу достойно послу-
жившая; радуйся, Божественней Троице
смирением угодившая.

Радуйся, вѣки Носящаго носившая в
Себѣ; радуйся, престолѣ Содержащаго
вселенную в руцѣ.

Радуйся, тайно неизреченная веков
и времен; радуйся, упование твердое
народов и племен.

Радуйся, сердечное радование иереев
благоговѣйных; радуйся, быстрое слы-
шание молитв церковных и келейных.

Радуйся, Премудрости Дѡме богоздан-
ный; радуйся, милости сосуде, Богом
избранный.



Рáдуйся, Всецарѣце, недúги нáша благо-
дáтию исцеляющая.

Кондак 13

О Всецарѣце Мáти, рóждшая всéх святýх
святéйшее Сло́во, ны́нешнее нáше прия́вши
песнопéние, óт вся́кия смéртныя болéзни
исцели́ ны́ и бúдущаго избáви осуждéния
вопиýщих: Аллилу́иа.

(Этот кондак читается трижды).

Икос 1

Ангел предстáтель, с небесé сшéd, рече́
Всецарѣце: рáдуйся! И боговещáнным гла́-
сом, воплоща́ема Тя зря́, Го́споди, возопи́ к
Не́й таковáя:

Рáдуйся, главíзно нáшего спасéния;
рáдуйся, исполнéние Зиждíteлева смот-
рénия.

Рáдуйся, я́ко Тобо́ю Бо́г воплотíся; рáдуй-
ся, я́ко Невíдимый в Тебé изобразíся.



Рáдуйся, Мíлость мíра внúтръ прíяв-
шая; рáдуйся, одея́ние плóти Слóву сот-
ка́вшая.

Рáдуйся, умú непостíжная гóрняя слáво;
рáдуйся, сердца́ оживíвшая небéсная
мáнно.

Рáдуйся, звездó, благодáти сия́ние;
рáдуйся, исто́чнице, живы́я воды́
изли́яние.

Рáдуйся, Богорóдице, в жена́х благосло-
вénная; рáдуйся, ро́ждшая Спáса Дéво
нетлénная.

Рáдуйся, Всецарíце, недúги нáша благо-
дáтию исцеля́ющая.

Кондак 1

Новоявлénней Твое́й ико́не предстоящи
вёрнии умíльно воспева́ем Тí, Всецарíце,
рабí Твой: низпослí цельбы́ к Тебé при-
тека́ющим ны́не рабóм Твои́м, да всí рáдост-
но зовём Тí:

Рáдуйся, Всецарíце, недúги нáша благо-
дáтию исцеля́ющая.




МОЛИТВА

О Пречістая Богома́ти, Всеца́рице! Услы́ши многобо́лезненное воздыха́ние на́ше пре́д чудотво́рною ико́ною Твое́ю, из уде́ла Афо́нскаго в Росси́ю пренесе́нною, при́зри на́ ча́д Твои́х, неисце́льными неду́ги стра́ждущих, ко́ свято́му о́бразу Твое́му с ве́рою припа́дающих! Якоже пти́ца крило́ма покрыва́ет птенцы́ своя́, та́ко и Ты ны́не, при́сно жива́ су́щи, покрый на́с многоцеле́бным Твои́м омофо́ром. Та́мо, иде́же наде́жда исче́зает, несумне́нною наде́ждою бу́ди. Та́мо, иде́же лю́тыя ско́рби превозмога́ют, терпе́нием и осла́бою яви́ся. Та́мо, иде́же мра́к отча́яния в ду́ши всели́ся, да возсия́ет неизрече́нный свѣ́тъ Божества́! Мало́ду́шныя утѣ́ши, немощны́я укрепі́, ожесточе́нным сердца́м умягче́ние и просвѣ́щение да́руй. Исцели́ боля́щия лю́ди Твоя́, о всеми́лостивая Ца́рице! Ум и ру́ки врачу́ющих на́с благослови́, да послужат ору́дием всемо́щнаго Врача́ Христа́ Спа́са на́шего. Яко живей Ти́, су́щей с на́ми,



мо́лимся прѣд ико́ною Тво́ею, о́ Влады́чице!
Простри́ ру́це Твой, испо́лненныя исцелѣ́ния
и́ врачбы́, ра́досте скорбя́щих, в печа́лех
утешѣ́ние, да́ чудотво́рную по́мощь ско́ро
получи́в, прославля́ем Живонача́льную
и́ Неразде́льную Тро́ицу, Отца́ и́ Сы́на и́
Свята́го Ду́ха во ве́ки веко́в. Ами́нь.



Тропарь, глас 4

Образом радостотворным честныя
Всецарицы, желанием теплым
взыскающих благодати Твоея
спаси, Владычице; избави
от обстояний к Тебе прибегающих,
от всякия напасти огради
стадо Твое, к заступлению
Твоему взыкающее присно.